



Minggu, 27 Desember 2020

Ogen: I Korinti 9:20-23



“NGGELUH RIKUTKEN SITUASI”



Hampir setahun pandemi Covid-19 enda reh ku tengah bangsata. Erbage-bage cara nggo iupayaken pemerintah guna ngolangi peredaren virus enda. Emaka, kita ituntut guna ndalanken peraturen si nggo itetapkan pemerintah. Megati peraturen e erbanca latih siakap, tapi adi tuhu-tuhu sidalanken peraturen e erbanca kita aman. Paksa enda, kita nggeluh rikutken situasi, nggo iban undang-undang rikutken situasi sipaksana terjadi. Kita selaku anak-anak Di bata, harus patuh ras ndalanken undang-undang e sebab situhuna Kristus pe ndalanken undang-undang Dibata selaku anakNa.

I bas situasi pandemi enda, arus nge kita patuh ku bas peraturan e, setia ras patuh eme ciri-ciri anak Dibata. Ula pernah sepele la ngikutken undang-undang/peraturan si paksana lit bas situasita enda. Amin gia mesera, amin gia latih, amin gia la pas tapi e mabai kita ku sada kondisi si cukup aman. Sipake maskerta, jaga jarak, ula lawes ku ingan sinterem, rajin cuci tan, eme sada kondisi si mabai kita guna ngolangi penyebaren virus enda. Adi siperdiateken secara umum, enterem denga kalak si la nggit ngikutken peraturan enda. Tapi kita, selaku anak-anak Dibata, harus sibenaken ndalanken si mehuli gelah banci kita jadi usihen man jelma si enterem. Enda pe kita termasuk encidahken sada berita si mehuli man jelma si deban gelah tetap si jaga kesehatenta.

I Korinti 9:20-23 eme sada keteraturen si harus sidalanken paksa ngeluh rikutken situasi pandemi enda. Segelah terindah kita me anak-anak Dibata si banci jadi perberita si meriah man jelma sideban. Sibenaken arah kita nari ngeluh alu ndalanken aturen rikutken situasita. Ayat 23 nuriken sada tanggung jawab si mbelin e me ndalanken undang-undang. Si enda kerina si bahan guna Berita Si Meriah.

"Patuh man Dibata tuduhken arah patuh man aturen"